

# ◎對於未來世界之準備如何

倖父原著

人生斯世勞心勞力。其目的不出二途。一爲支持現在生活。二爲準備未來生活。祇知現在生活而不準備未來生活者。惟浪子與乞丐而已。其餘之人。則皆亟亟準備未來生活。常較諸現在生活。尤爲置重。近時青年男女出洋遊學。以求外國學校之高等學位。試問彼等。胡爲者。工商事業家奔走都會。籌設公司。創立工廠。欲作一新式之資本家。試問彼等。胡爲者。官僚武人及其他之高等游民。皆貪婪而不知飽。爭奪而不知止。不恤絕全國之命脈。以作猶太富人。試問彼等。又胡爲者。吾得質而言之。曰。彼等之目的。皆準備未來生活也。

夫彼等既以準備未來生活爲目的。則吾將進而質問彼等。未來之世界果如何。吾知彼等觀念中。必以爲未來世界不過繼續現世界之形勢。且益益進步而已。嗚呼。現世界之形勢。固尙可繼續。且加以進步耶。吾敢大膽直言。以斷定之。曰。彼等之觀念實誤。故彼等之準備亦誤。

現世界之形勢。自其顯著於表面者言之。縱有國家戰爭。橫有階級戰爭。如俄國之勞農會與有產階級殺人如麻。揮金如土。長此以往。去世界末日。殆已不遠。雖此種戰爭。無論如何持久。終有恢復和平之日。衡論世事者。不能以一時偶發之戰爭爲標準。然今日之戰爭。實非一時偶發者。其潛伏於內面者。有深遠之原因。所謂國家戰爭。階級戰爭。其原因皆起於同一之經濟關係。此固世人之所公認者。故經濟關係不改良。則雖戰爭之現象。即刻終止。而戰爭之原因。依然存在。第二次之大爆發。其期日。殆不能甚遠。某君曾謂。現世界經濟制度。如建倒立之塔。初建數層。其勢已危。乃以繩架防護。維繫之。繩架譬之政治。法律。及武力等。而更建數層於上。其勢益危。則益益施以防維。如此層層而上。防維愈固。建築愈高。危

險亦愈甚。而其終必有倒之一日。此爲現世界形勢最淺明之譬喻。而此形勢之不能繼續且加以進步亦可以恍然矣。

社會主義者以現世界之經濟制度根本錯誤。致生產分配不均。貧富懸隔太甚。過激者因而欲廢棄地主資本家之特權。將一切生產。勻配於勞動者之手。此等均富之說。駭人聽聞。予輩殊不欲效其口吻。第其所揭示現世界經濟制度之破綻。實已確不可掩。蓋自科學與機械進步以來。人類能以僅少之勞力。成多額之生產。當十九世紀之初。已有人統計。五十年前須六十萬人勞力而得之生產。在其時僅以二千五百人得而成之。今距其時更逾百年。此比例當又增若干倍。即使仍以其時之比例爲準。則一人之勞力。已得成五十年前二百五十倍之生產焉。使世界生產之增加。可以無有限制。則人人得出其勞力以享用二百五十倍於從前之生產。其爲人類幸福。誠無涯際。無如土地與資本。不能隨勞力而俱增。勞力增大時。土地與資本之需要自亟。於是六十萬人中僅有一二地主資本家得吸收此五十年前六十萬人勞力所成之生產。其餘則少數之二千五百人受地主資本家之傭雇者。得使用其勞力。以分取其生產之一部。隨其勞力之巧拙。以爲分取之多寡。較之五十年前之所得。或增數十倍焉。或增十數倍焉。或增數倍焉。或無所增焉。其多數之五十九萬七千五百人。或無土地資本。以使用其勞力。則不能從事於生產。或僅有少額之土地資本。而爲大地主大資本家之所迫壓。所得生產。乃不足以酬其勞力。故在科學家機械家。方以二千五百人。能成六十萬人之生產。謂爲莫大之功績者。自社會主義者言之。則五十九萬七千五百人之事業。爲二千五百人所獵奪。西人每謂科學機械進步。則工商業興盛。失業者自寡。此就一地方或一國家內言之。他地方他國家內之事業。爲其所獵奪。則彼固未計也。二千五百人之生產。又

為一二地主資本家所占領。認為莫大之罪惡也。歐美社會黨不反對科學與機械。惟求勻配其生產而已。中國儒家。夫少數之人。既成多額生產。則其所生產者。一部分係供少數人奢侈浪費之用。又一部分則為市場之投機品。乃為少數人之利益而生產。非為多數人之需要而生產者。故多數人之衣食雖缺乏。而奢侈品及投機品則生產無度。充斥市場。積而不通。資本將不能周轉。於是尋求新販路。開拓殖民地。建設大帝國。遂以生產過剩為國家戰爭之原因。多數之人既不能用其勞力於生產或生產不足償其勞力。因而生活困難。老弱者以疾病苦痛陷於死亡。其不甘於卽死者。則為盜賊無賴。刦奪他人之生產。較有知識學力者。則流而為過激派。為無政府黨。蓄意破壞社會現狀。以求蘇其貧困。因此以勞力過剩為階級戰爭之原因。因勞力過剩。發生階級戰爭。此就全世界言。非就歐美一局部言也。歐美事業興盛。人口增殖不繁。勞力過剩。不如中國之甚。故勞動者能與地主資本家維持對抗之形勢。階級戰爭乃顯著。中國科學機械雖不發達。而舊有事業。太半為工業國所奪。故勞力過剩。甚於歐美矣。面上不顯階級戰爭。實則階級戰爭甚烈。土匪流寇。皆失業之民所叫聚。以破壞社會現狀者。歐美之階級戰爭。為二千五百之勞力者與一二地主資本家之爭。中國之階級戰爭。乃五十九萬七千五百之失業者。強奪少數有業者之生產也。總之。現世紀中一切內亂外患及其他破壞秩序。傷害道德。蔑絕人道之事。莫不由於經濟制度不良而起。社會主義者之著作中。言之綦詳無庸贅述。

上述社會主義者所揭示現世界經濟制度之破綻。世人殆不能不承認之。然世人之意見。往往以為生存競爭優勝劣敗。為自然界進化之原則。人類社會中。決無真實之平等。亦決無永久之和平。國家戰爭與階級戰爭。終為事實上所不能避免。故現世界經濟制度之破綻。實無可彌縫。且亦無須彌縫者。此等意見。吾人未嘗不贊成之。果使經濟上之自由競爭。可以極端貫澈其主義。則吾人亦何必以煦煦之仁。為良心上之激刺。無如自由競爭。達於一定限度以後。必與一極大之障礙物。

相遇。此障礙物為何。在中國無固有之名詞。就外國名詞而譯其意義。則曰生存權。生存權者。即人類各有應得生存於世上之權利也。此權利思想。在十九世紀初年之政治哲學中。論之者最多。其時法拿破崙與英爭戰。人民困窮。遂發生此思想著名之學說。謂「人之所有權利中。有因有政府而後起者。是為人為權利。如財產之不可侵權是也。雖無政府。而既已為人。則當然有其權利。是為自然權。自然權中最首要者。即人可取自然界之動植物以養其生命之權利。此權利受人為權之抑制。而至於除死無法時。則得實行其自然權中一種生存權。以繼續其生存。」中國人於此項權利習慣上確實承認。如水旱天災之救濟。貧困無告者之周恤。流亡失業者之收養。政府官吏及地方紳富皆有應盡之義務。此種義務。其相對之權利為何。即所謂生存權者是也。曾憶曩年某地水災。饑民聚衆搶米。地方官吏無法處置。以其地方習慣。饑民若僅僅搶米而不搶及他物。則不能以強盜罪之。此即含有生存權重於財產權之意義。蓋生存權為人所有之先天的權利。非後起的法律上所規定之財產權得而奪之也。英美派之法律。雖有財產權重於生存權之傾向。然習慣上亦承認此權利之存在。如倫敦麵包鋪。每晨必備若干麵包。以應貧民之食。而不能付值者。上海英租界中業包飯者。擔殘餘之食物。行經馬路。貧民攬食。習慣上不加抗拒。凡此瑣事。皆足以證明生存權在世界之社會習慣中。實具有若干之勢力。而與現世界自由競爭之原則相抵觸。自由競爭既達極限以後。多數之人。將不能保其生存。則此生存權必於社會中忽現偉大之勢力。近時歐洲交戰各國。皆厲行食料限制之政策。各人食物。皆有一定之制限。雖貴族富豪。其食料不能不與齊民相等。間有限制。及於衣被靴鞋及日用品者。德國服裝限止令。除軍服外。不許用毛布。不准著皮靴。履皆木製。衣皆紙製。據美國自德逃歸者之記述。柏林市中無人不著白色紙衣。全市服裝。

此種政策。即限制個人不得憑藉其經濟上之勢力。以絕他人之衣食。即爲承認生存權之顯著事實。據外報之所揣測。則此種限制之政策。戰後必將繼續施行。最近日本米價暴騰。大阪、西京、神戶、廣島各處。暴徒蜂起。政府派兵彈壓。一面勸誘出糧。禁止屯積。籌撥巨款。以平米價。日本人中亦頗有主張仿歐美現行制度。減食禁酒。布衣服限制令。制定奢侈稅者。吾人靜觀世態。已覺有多數文明國家。受此生存權之支配。雖中國政治家方以擁兵耀武爲職志。對於地方之天災人禍。曾不足以稍動其心。似中國之民。獨不能主張生存權。以自保其生存。然自又一方面觀之。則中國胡爲豢養如許之軍隊。胡爲吸全國之膏血。以奉之。亦以無產失業者之多。不得不以此爲安撫流亡之計。則亦隱然受生存權之支配焉。總之。自由競爭者。縱容少數人獵奪多數人之生產。以絕多數人之生計。而生存權者。不許少數人占有多數人之衣食。以害多數人之生存。此兩種法則。若矛盾之相反。當自由競爭過於烈劇時。則生存權必崛起而與之相抗。使不得極端貫澈其主義焉。

均富共產之社會主義。非吾人所樂於唱導。而生存權之行使於社會。則爲顯著之事實。非吾人所能否認者。且將來社會益益爲此權力所支配。亦非吾人所深信。果使生存權之勢力支配於社會。則其結果必至不均富而均富。富者貴者。不得不與貧者賤者同食。其個人分內應得之食物。同用其個人分內應得之用品。此時之人類。將如今日之學生。著同式之制服。居於同一之宿舍。列於同一之食桌。英人威爾遜氏著將來之發燒。謂此種景象。百年內必可達到。此殆專指歐美社會言。全世界人類。到此地步。或尚須時日。則富者貴者。或且自悟其富貴之無用。有時反足爲累轉。而要求均富。要求共產。未可知也。論世者。每謂十八世紀爲盧騷世界。十九世紀爲達爾文世界。二十世紀爲托爾斯泰世界。斯言。卽不堪盡信。不能謂其全無影響矣。

(續東方文庫)〔未完〕

# 西山時代詩文

▲段阮儒詩草 調乃直臣段阮淑公之子。  
入仕富春登程之作。

## ○浴翠山行

古今勝概稱山水。水秀山奇甲九真。一帶澄凝涵石壁。雙峯峻峭浴沙濱。歷代人工加點綴。龍舟鳳輦時遊巡。照水樓臺光掩映。滿山旗蓋影繽紛。紅裙翠袖雲間出。玉管金簫界上聞。人影繁花非耐久。南風匝地起紅塵。闌河一擲成他。

體質淨何假。劃劙假人文。不如尋常一岡阜也無榮辱與。亨屯垂髫我慕此山勝。白首長途苦問津。登臨謾笑江山僞。曾否江山解笑人。

## ★過宋山徐式故里

桃山擁掉入仙鄉。壺裡姻緣日月長。玄鶴歸時陵谷變短裘。去處水雲茫。石身醉醒煙霞夢。樹色模糊枕簟香。最是年年深洞客。孤衾莫耐海

## 風涼

## ○過三疊山

疊山南望片雲浮。疊山北望萬峯繆。滔滔踪跡紅塵上。渺渺闌河碧。樹秋仙境到頭皆夢幻。世途徒步盡崎嶇。徘徊人影私相問。叢畔哥哥喚。

## 鷓鴣

## ○題崇山祠

崇祠一族對千山。法相真身隱顯間。翰羽幾時堪憐君不見。桃源路隔琪花澗。仙犬千秋吠白朱欄翠檻委塵土。綠竹青松傷斧斤。搜凌石響鳴寒浦。護落蛟亭照夕曛。笑君擇閒誠大拙。紛華路上顯精神。輕倩人間作造化。幾回榮悴總雲。久不見姑蘇。山起黃金屋。窗風八面動妖氛。大凡奇巧貴韜晦。浮名畢竟累之因。矧是天然

○客中秋無月

風雨迷濛景象幽。姮娥猶在百花樓。三千驛路隨征鴈。強半年光逐隙駒。山色侵杯寒悄悄。江聲敲枕想悠悠。半生誤入塵籠去。客裡關河幾度秋。

○望那山歌

我望那山臨萬頃。兮逼三光。昔有神仙兮於焉。徜徉石上琴聲敲落閏。朝歲月崖頭睡枕夢殘。人境桑滄玄鶴衝煙兮。遺響在名岡。我欲往從之兮。石巖巖雲漠漠樹蒼蒼。

△過廣昌布衛

歎聲杜宇泣空山。四百年餘旺氣闌。寶劍光埋秋水涸。金兒犬邊香散晚雲寒。行人緩步歌周道。夢漫漫。

天半壁蜃樓起滅。水中央凌波日月東西逐捲地。風濤晝夜忙。漁子不愁桑齒變。斜晴收網唱滄浪。

○望范仙故里

東城華林

海口危峯逼太虛。村菴指點范仙居。煙霞紅鬱燒丹地。水石清凝澡骨餘雲鶴形神飄碧淨雪鴻爪甲印金墟。半生自笑塵根重。那得相隨說紫書。

▲宿橫山屯聞海濤聲

直臣公督視任舊所

四周此地宦家兒。琴劍重來齒髮衰。六尺吾身塵上客。百年世事夢中移。庭臺護落生秋草。雉堞荒涼臥晚暉。旅舍寒燈諳故老。棠陰三紀愛猶遺。

○宿橫山屯聞海濤聲

何處濤聲徹夜聞。橫山山下大洋濱。浮生名利空繆轍。此地山河幾合分。一宦蕭條衰鬢客。百年寂寞故園春。明朝又向烏洲去。便是天涯海角。

★豪門觀海

乾坤一望碧茫茫。萬里晴秋接太荒。鯨沁吐吞。

## ◎重過橫山

四年三度過橫山。山色依依客鬢斑。今古漫陰生怪魅。乾坤活氣吼狂瀾。秋風蕭瑟家音渺。宦况淒涼世路難。聞道南征新拓地。隘雲關外更重關。

## ○和答尚書寧拙山

卽寧遜

未應丹訣盡。幽玄人自心。頭起萬緣名。利百年。勞走鬼是非。半念隔飛仙。精神賦予皆真寶。翰墨周流總道詮。見說回翁求世甚。不然無路上雲天。

## ★寧遜元作

久羨玄風未遇。玄逢君今喜。卽機緣人身誰不藏。三寶雲路原非隘。一仙俗骨誠堪希。道跡神丹幸爲沃。真詮殞霞服日功圓。後握手齊飛碧落。天。

未能知白敢求玄。傾蓋相投憶昔緣。靜守我將從顯晦。清修君欲在塵仙。藏身有意探真訣。涉世無情問秘詮。至道工夫何處下。茫茫誰與說先天。

## ○游門橋晚酌

沽酒江村跨晚虹。旅懷醉眼共朦朧。異鄉山色侵衣綠。故里霞光入座紅。遠遠征帆穿碧落。蕭蕭寒葉夏秋風。賒魚問訊翁歸早。家在橋西小塢中。

## ▲復和答寧拙山

消盡平生遠大明。長途愁思故相隨。幾回往事空搔首。半百流光一皺眉。病骨龍鍾嵐氣重。僧房零落朔風悲。晚來偏悟茅山訣。偷竊陰陽志未衰。

## △原作

幼年與老不相期。纔過中年老自隨。世事一成新。面目吾身半改舊。鬚眉飛揚已墜青。雲志奔走空懷白首悲。惟有此心長赤子。滿腔忠孝未曾衰。

## ○順化道中

長洋千里傍峯嶺。劈破中心路一條。天氣經多。多雨澇。民生自古重漁樵。閒牛出籠敲鐸畜。

象投林晚載蕡。風俗不同疆土異。誰將開拓誤前朝。

◎父安道中

少小驩州八載居。重來適訪舊儲資。百年人物凋零盡。一望山河破碎餘。荆棘途中巢虎虺。蓬蒿野外間閭村。夫指點藍江畔。一簇宮庭倚碧虛。

▲清華道中

清化途中晚駐駒。荒涼野色入高秋。千年廟宇靈初萃。一變山河淚未收。爛熳旌旗新。寨壘蕭騷風雨舊。松楸兒童三五斜。陽外犧背吹蘆和。

旅愁

★胡婦行

迢遞南行八月秋。藍江江上晚停駒。白雲回首千餘里。半盡寒斟送旅愁。風景模糊如舊識。山煙川水清清極。從遊猛省弱齡時。三紀光陰纔瞬息。偶呼店婦問來因。毀質殘粧半惱人。自言本是長安產。弱柳夭桃幾度春。父業刀錐謀口

腹遠來挈室此江津。豪華爭慕閨中秀。蝶使風媒密。相誘嬌姿鄭。重嫁東君明珠解。使紅顏誤悠悠。數稔事朱門。星往星還愁萬縷。主人老去父捐塵。退守私房長踽踽。十年針線獨撐持。此生自念春無主。孤舟不柰惡波濤。再理頽容作胡婦。胡人重利輕別離。半載浮洋又北歸。寒燈隻影經暮月。生下胡雛父不知。冷落廚煙朝又暮。八秋乳哺漸成兒。一種根荄醫不去。天資獵羨語侏離。雖然尚望及兒長。去去相携歸故壤。故壤逢今刦運多何處。宗親問音響。說罷戲邊嚦。拭淚痕。低頭問我叩緣根。我說緣根君更苦。躊躇半晌却無言。

挽寧遜

適纔共作天邊客。今已先爲地下人。雲物隨君歸碧落。形骸教我滯風塵。滿梁月色空相憶。盈篋詩篇不忍聞。此去多逢舊知已。存存景物莫須論。

○今文摘錄

嚴春廣奉草

△代擬秦川郡公黃相公謝恩表  
臣黃高啓稽首頓首謹奏爲恭謝

皇恩仰祈 睿鑒事本年五月 日蒙 欽命官賚遞花錦壹疋。玉桂五片。最大項金磬壹面。具有珊瑚垂纓。南紗拾疋。前往傳旨頒賜。臣暮齒衰乏。額手拜嘉。恭委臣次男河東總督黃仲敷敬謹代行謝。恩禮雖八袞春秋。不能以筋力爲禮。而一家父子。寔有所感激于衷。臣祇領之次。欣感交集。謹奉表陳。謝者伏以星軺戾止。輝分緣野。之懶雲鳳詔聿頒。驚起秋林之老鶴。金寶來從天府。忽訝祥光。錦紗捧自重霄。悉呈麗色。珊瑚耀采。仙桂飄香。備百朋錫壽之珍。極一字榮褒之寵。邁漢之旌。阜老逾明之賜。劉侯誠振古而有光。尤當今之異數。竊念臣龍鍾已甚。馬齒徒增。自六旬得尋黃菊之娛。幸二子均預青藩之列。河東爲股肱之郡。尤便晨昏。泰河叨帶。礪之盟永延。予姓江湖。憂愛非同。渭川呂公望之身。壽考吉祥。敢擬汾陽郭子儀之福。值此桑榆之暮。更深雨露之滋。茲蓋伏遇。

皇帝陛下德邁堯仁。資符舜哲。光承列廟。歡奉兩宮。錫福弘錫類之推。尚齒優尚賢之制。心懃念舊。四榦將返之秋。政仰方新。南闕遙瞻之日。致令衰暮。荷此崇深。錦繡絢其身。文玉金彰于王度。捧龍章而俯僂。扶鳩杖而兢惶。念驅策之弗堪。老馬濫叨。夫錦障冀涓埃之少補。家駒勉効于雲衢。臣下情不勝欣感之至。謹奉表稱。謝以聞。